

列傳

諸臣

李府賢

共六十七

高麗史

五十五



列傳卷第二十三

高麗史一百十

正憲大夫曹判書集賢殿大提學知經筵春秋館事兼成均大司成臣鄭麟趾奉

教

李齊賢

達尊

寶林

李齊賢字仲思初名之公檢校政丞鎮之子自幼嶷然如成人為文已有作者氣忠烈二十七年年十五魁成均試又中丙科曰此小技耳討論經籍益勤淹貫精研鎮喜曰天其或者益大吾門乎三十四年選入藝文春秋

館忠宣元年擢糾正累遷成均樂正嘗任豐
儲內府監斗斛校錙銖無難色人曰李公可
謂不器君子忠宣佐仁宗定內亂迎立武宗
寵遇無對遂請傳國于忠肅以大尉留燕邸
撰萬卷堂書史自娛因曰京師文學之士皆
天下之選吾府中未有其人是吾羞也召齊
賢至都時姚燧間復元明善趙孟頫等咸遊
王門齊賢相從學益進燧等稱歎不置遷成
均祭酒奉使西蜀所至題詠膾炙人口驟陞

選部典書忠宣之降香江南也齊賢與權漢
功沒之王每遇樓臺佳致寄興遣懷曰此間
不可無李生也忠宣嘗問齊賢曰太祖時契
丹遺橐駝令繫橋下不與芻豆餓而死橐駝
雖不產中國中國亦未嘗不畜之國君有數
十頭橐駝其弊不至傷民却之則已何至餓
而殺之乎齊賢對曰創業垂統之主其見遠
其慮深非後世所及也且宋太祖養豬禁中
仁宗令放之後得妖人願無所取血知太祖

慮亦及此此亦未為定論安知太祖養猪之
意有不大於取血者耶我太祖之所以為此
將以折我人之譎計耶抑亦防後世之侈心
耶蓋必有微旨此在殿下恭默而思之力行
而體之爾又問我國古稱文物侔於中華今
其學者皆從釋子以習章句何耶齊賢對曰
昔太祖經綸草昧日不暇給首興學校作成
人材一幸西都遂命秀才廷鶚為博士教授
六部生徒賜彩帛以勸頒廩祿以養可見用

心之切矣光廟之後益修文教內崇國學外
列鄉校里庠黨序脩誦相聞所謂文物侔於
中華非過論也不幸毅王季年武人廢起玉
石俱焚其脫身虎口者逃過窮山脫冠帶而
蒙伽梨以終餘年若神駿悟生之類是也其
後國朝稍復文治雖有志學之學之士無所於學
皆從此後而講習之故臣謂學者從釋子學
其源始此今殿下廣學校謹庠序尊六藝明
五教以闡先王之道孰有背真儒從釋子哉

忠宣嘉納遷知密直司事賜端誠翊贊功臣
號又賜田及減獲以賞燕吳侍從功奏授高
麗王府新事官後復如元柳清臣吳潛上書
都省請立省本國比內地齊賢為書上都堂
曰中庸曰凡為天下國家有九經所以行之
者一也繼絕舉世廢國理亂持危厚往薄來
所以懷諸侯也說之者曰無後者續已滅者
封使上下相安大小相恤天下皆竭其忠力
以藩衛王室矣昔齊桓公遷邢而如歸封衛

而忘亡所以糾合一匡為五霸首也霸者猶
知務此况居域中之大以四海為家者哉竊
惟小邦始祖王氏開國以來凡四百餘年臣
服聖朝歲修職貢亦且百餘年有德於民不
為不深有功於朝廷不為不厚歲在戊寅有
遼民曳孽金山王子者驅掠中原之民東入
島嶼陸梁自肆太祖聖武皇帝遣哈真札刺
兩元帥討之禽天大雪餽餉不通我忠憲王
命趙冲金就礪供資助器仗擒殺狂賊糧疾

如破竹於是兩元帥與趙冲等誓為兄弟萬
世無忘又世祖皇帝返旆江南我忠敬王知
天命之有歸人心之攸服跋涉五千餘里迎
謁梁楚之郊忠烈王亦躬修朝覲未嘗小懈
征收日本則悉敵賦而為前驅追討哈丹則
助官軍而殲渠魁勤王之效不可枚舉故得
釐降公主世篤甥舅之好而不改舊俗以保
其宗祧社稷繫世皇詔旨是賴今國朝廷擬
於小邦立行省此諸路若其果然小邦之功

且不論其如世祖詔旨何伏讀年前十一月
新降詔條使邪正異途海宇康乂以復中統
至元之治聖上發此德音實天下四海之福
也獨於小邦之事不矜世祖詔旨可乎中庸
之書聖門所以垂訓後世非空言也觀其所
言繼者吾且治之廢者吾且興之亂者治之
危者安之也今無故將蕞爾之國四百年之
業一朝而廢絕之使社稷無主宗祧乏祀以
理揣之必不應爾更念小邦地不過千里山

林川藪無用之地十分而七稅其地未周於
漕運賦其民未足俸祿祿於朝廷用度九牛
之一毛耳加以地遠民愚言語與上國不同
趨舍與中華絕異恐其間此必生疑懼之心
未可以家至戶諭而安之也又與倭民濱海
相望萬一聞之無乃以我為戒而自以為得
計耶伏望執事閣下追世祖念功之意記中
庸訓世之言國其國人其人使修其政賦而
為之藩籬以奉我無疆之休豈惟三韓之民

室家相慶歌詠盛德而已其宗祀社稷之靈
將感泣於冥冥之間矣議遂寢忠宣被謫流
吐蕃齊賢又與崔誠之獻書元郎中曰竊伏
海濱歆芳名高下風為日久矣思欲覩梧竹
之標閭秋陽之論願無紹介為之先容因循
歲月顧莫之遂今忽焉披露肝膽以效於前
交淺言深恐未足以感發尊聽然而敝邑於
足下恭桑之地雖出也遷喬為泥蟠雲飛家
中原仕上國墳墓親戚固在敝邑於僕等所

欲言又焉得而無情哉今聖天子勵精圖治
大丞相才略不世出言聽訃從廟無遺筭有
一夫不得其所一物不得其平必振拔而安
措之然後已而足下以端慤雄深之質文之
以禮樂詩書高冠博帶優游東園潤色伊周
而繡縫房杜亦可謂得青雲知己以行其道
者矣竊惟敝邑事大以來百有餘年歲修職
貢未嘗小弛往者遠民遺種金山王子者驅
掠中原之民弄兵于海島朝廷遣哈真扎刺

帥師討罪天寒雪深甬道不繼軍不得前却
幾為兇徒所笑我忠憲王命陪臣趙冲金就
礪轉餉濟師掎角而滅之兩國之帥相與約
為兄弟誓萬世無相忘是則敝邑所以盡力
於大祖皇帝時也世祖皇帝南征返旆將繼
大統時有介弟扇爰于朔方諸侯屢疑道路
甚梗我忠敬王以世子率群臣拜迎于梁楚
之郊天下於是觀遠人之悅服知天命之有
歸是則敝邑所以盡忠於世祖皇帝者也忠

敬王襲爵東歸忠烈王復以世子入侍輦轂
世祖念其功嘉其義令尚公主以示殊恩屢
頒詔旨母改舊俗四海之內稱為美談我老
瀋王即公主子而世祖親甥也有世祖之時
以至于盛代厯事五朝既親且舊但以功成
不退交生所忽變形易服遠竄吐蕃之地去
故國萬餘里顛崖絕險十步九折層冰積雪
四時一色嵐瘴薰蒸盜賊竊發革船渡河牛
箱野宿問關半年方至其域飯麥麴處土屋

辛苦萬狀不可殫記行路間之尚為之於邑
况策名委質者哉闔闔阻排雲之叫廊廟絕
蟠木之容雖舍恤而憤泣大聲而疾呼孰聞
而孰憐之耶此僕所以當食忘味已卧復起
皇皇洒淚盡血繼者也蓋棄遠殷族而先
王之政也以功覆過春秋之法也且下何不
從容為丞相言之明往日之無他今日之自
艾累世之忠勤不可負國人之思慕不可遏
世祖肺腑之屬又不可以不錄於以入奏冕

旒導霈金雞之澤賜環而東復見天日使聖
天子之世無向隅而泣者則大丞相之德之
美益著於遐通而不忘本之義善救物之仁
天下皆稱頌於天下豈惟如此也君臣銘肥饑
骨圖報其萬一而已哉又上書丞相拜住曰
小國下官敢言仰瀆尊聽其為狂僭大
矣然而江河之量無所不容芻蕘之言必有
可取伏望哀其迫切之意先寬其罪而小加
憐察孟子曰禹思天下有溺者如已溺之稷

思天下有飢者如己飢之也天下之溺與飢者非禹手擠之而稷遏其哺也何其心斷然自以為責而不辭歟天之降任于大人亦欲使之濟斯人也苟視其困窮無告者恬不為愧豈天之降任意耶此所以忘瞬眦之苦親播植之勞宅九土粒蒸民左右克彛而澤及後世者也設有一人焉不幸而陷濤瀨轉溝壑禹稷而見之將圖其湏臾之活而已耶吾知必為之計使之不復虞飢患溺然後已也

恭惟丞相執事光輔聖天子不動聲色措天下於泰山之安玉燭清明年穀屢登戴白之叟以為復覩中統至元之治人之生於此時亦可謂幸矣如此而有一人焉困窮之勢甚於飢溺執事其何以處之往歲我老瀋王遭天震怒措躬無所執事哀而憐之生死肉骨於雷霆之下得從輕典流宥遠方再造之恩有踰父母然地甚遠且僻語言不通其風氣絕異盜賊之不虞飢渴之相通支體羸瘠頭

髮盡白辛苦之態言之可謂流涕語其親則
世祖之親甥也語其功則先帝之功臣也又
其祖考爰自聖武龍興之際慕義先服世著
勤王之效傳所謂猶將十世宥之者也竄謫
以來已及四年革心悔過亦已多矣伏惟執
事既嘗力救於始無忘終惠於後申奏黜聰
導宣膚渥俾還本國以終天年其為感幸豈
止陷濤瀨者履坦途轉深壑者飲美食而已
哉若謂時未可也姑徐為之日延月引而為

賢且有力者所先天下之士將謂執事見事
獨逢小國之人將謂執事有德不竟竊為執
事惜之既而帝命量移忠宣子朶思麻之地
從拜任所奏也齊賢往謁忠宣謳吟道中忠
憤藹然加密直司使賜推誠亮節功臣號再
轉僉議評理政堂文學又封金海君忠肅薨
曹頤樞亂忠惠擊殺之然其黨在都者甚衆
必欲抵王罪元遣使召王人心疑憂禍且不
測齊賢奮不顧曰吾知吾君之子而已從之

如京師事得辨析功在一等賜鐵券既還群
小益煥齊賢屏迹不出著牒翁稗說忠惠被
執于元宰相國老會旻天寺議上書請赦王
罪齊賢草其書曰高麗國耆老衆官謹齋沐
上書于征東省諸相公執事朝廷使臣朶赤
等欽奉郊天大赦德音前來王京我寶塔寶
懺王引僚吏備儀仗出迎城外入于本府聽
詔訖使臣等就執王上馬回去事出倉卒凡
在陪臣措躬無所尚復奚言然念王年少不

更事直情徑行所以致此原其本意蓋亦無
他天日照臨胡可誣也又念小邦始祖王氏
開國海陽四百二十六年子孫相繼二十八
世歷宋遼金通使往來羈縻而已及我太祖
聖武皇帝龍興之際有金山王子者驅掠中
原之民圖復亡遼之業勢窮東走陸梁集興
太祖命哈真扎剌兩將帥討罪天寒雪深餉
道不繼我忠憲王遣趙冲金就礪等助兵與
糧一舉破賊於是兩國同盟萬世子孫無忘

今日因分所虜生口為信今小邦有契丹場
是也世祖文武皇帝觀兵襄陽阿里孛哥扇
亥北漢諸侯虞疑各懷去取我忠敬王時為
世子蒙犯霜露直至汴梁以迎于道世祖望
見驚喜曰高麗荒遠之邦今我北歸將徂大
統彼其世子自來歸我天贊我也忠敬王既
當國陪臣林推茂父子不喜內屬擅廢立阻
兵江華世子忠烈王奔告朝廷世祖赫怒詔
王復位乘駟入覲王及世子引兵東還擒殺

逆黨去水而陸一心供職忠烈王之世世祖
兩征日本王遣金方慶等修其戰艦每為先
鋒又乃顏之黨哈丹攻陷水達達女真之地
侵及我疆欲抗天威王出兵逆擊之隻輪無
返者大德末益知禮不花王左右仁宗皇帝
定亂清宮奉迎武宗皇帝為一等功臣是臣則
王氏忠於朝廷也久矣又念世祖皇帝矜降
忽篤恻達恩公主是生益知禮不花王益知
禮不花生阿納忒室利王阿納忒室利生寶

塔寶里王寶塔寶里王雖跡且遠其於世祖
寶有肺腑之親焉又念皇后竒氏生自小邦
上配至尊誕毓元良為天下所慶賴朝廷之
視小邦不應與諸藩同焉又念小邦與日亦
隔海為隣我之蒙福彼則愧其歸化之遲我
之獲戾彼則甘其執迷之陋勢之必然者也
昔周執衛侯弼而卒令復位漢徵梁王武而
亦使歸梁有以見王者之大度也況我朝廷
自列聖以來好生之德萬萬過於周漢而今

則親享南郊尊祖配天大禮既成德音廣布
外薄四海蹈舞歡呼苟有一物不被其仁澤
者所宜痛心欽惟聖天子以宥過無大之仁
儻回一念使我寶塔寶里王免離罪罟遊泳
恩波且使王氏君臣社稷不替其名衣冠風
俗並仍其制山海愚民獲安舊業則太祖世
祖勤恤小邦之意豈不益明世祖肇降公王
生子孫孫以繫遠方之心其規模豈不益遠
皇后誕毓元良天下之慶賴豈不益偉小邦

勤王敵愾之志豈不益堅日本未服之民革
其執迷樂於歸化其意豈不益篤四百二十
六年二十八世血食之鬼豈不益感朝廷眷
過無大好生之德豈不益播於天下後世哉
伏惟執事俯察菊言達于天聰後欲署名呈
省國老多不至事竟未就忠穆襲位進判三
司事封府院君上書都堂曰今我國王殿下
以古者元子入學之年承天子明命紹祖宗
重業而當前王顛覆之後可不小心翼翼以

敬以慎敬慎之實莫如修德修德之要莫如
嚮學今祭酒田泚蒙已名為師更擇賢儒二
人與泚蒙講孝經語孟大學中庸以習格物
致知誠意正心之道而選衣冠子弟正直謹
厚好學愛禮者十輩為侍學左右輔導四書
既熟六經以次講明驕奢淫佚聲色狗馬不
使接于耳目習與性成德造罔覺此當務之
莫急者也君臣義同一體元首股肱不親附
可乎今宰相非宴會不相接非特召不得進

此何理乎當請日坐便殿每與宰相論議政
事或可分日進對雖無事不廢此禮不然則
大臣日踈宦寺日親生民休戚宗社安危恐
莫得而上聞也政房之名起于權臣之世非
古制也當革政房歸之典理軍簿置考功司
標其功過論其才否每年六月十二月受都
目考政案用以黜陟永為恒規則可以絕請
謁之徒杜僥倖之門今若因循不復古制深
恐將來梁將祖倫朴仁壽高譔之輩蜂起而

黑丹之謗不可遏也鷹坊內乘毒民尤甚者
前已下令革罷後復遷延中外失望至使龍
蓄馳出見責可不愧于心乎德寧寶興等庫
凡非古制者一切釐革庶永不負聖旨勤恤
之意刺史守令得其人則民受其福不得其
人則民遭其害官高而降為者偃肆不遵法
年邁而求得者昏懦不任事或以請謁起壘
訕垂金魚者又不足言也請如古制朝士之
未入叅者必徑監務縣令至于四品例為牧

守而監察司按廉使必行褒貶為之賞罰所
謂官高者年邁者用請謁起壘畝者如不得
已寧授京官勿與親民之任行之二十年流
已不復負賦不足未之有也金銀錦繡不產
我國前輩公卿被服只用素段子若紬布器
皿只用鍮銅麤瓦德陵作一衣問直則重輟
而不為毅陵嘗責前王璽金之衣插羽之笠
非吾祖舊法有以見國家四百餘年能保社
稷徒以儉德也近來風俗窮極奢侈民生困

而國用匱職此而已請宰相今後不以錦繡
為服金玉為器又不使駟服乘馬者擁其後
各務儉約諷上而化下風俗可以歸厚也前
者迫徵暴歛之布便合歸於納者然恐官吏
夤緣為奸細民未蒙實惠故宜分付諸司以
充來歲雜貢令其得免先納借貸之弊行省
既有文移當早施行三食邑既立之後百僚
俸祿不備夫以一國之主取群臣養廉之資
以實私藏豈不貽譏後世請闕諸兩宮罷食

邑還屬廣興倉充其俸祿京畿土田除祖業
口分餘皆折估為祿科田行之近五十年通
者權豪之門奪占略盡中間屢議釐革輒以
危言脅欺上聽卒莫能行此大臣不因執之
所致也果能釐革悅者甚衆不悅者權豪數
十輩而已何憚而不果為哉州郡遠年貢賦
之逋欠者有司百計迫徵十分莫得其一祇
是歛怨而已望下令自至正三年已前逋欠
貢賦一切蠲免前此數年窮民有因暴歛典

賣男女請令諸道存撫按撫使出榜評其來
京自告因以官財量給續還其買者亦令自
首若不自首後有告者不與其直勒還父母
甚者治罪後與安軸李穀安震李仁復增修
閩清所撰編年綱目又修忠烈忠宣忠肅三
朝實錄恭愍即位未至國命齊賢攝政丞權
斡征東省事齊賢上書于王曰伏聞聖旨國
王丞相一時受命上自德慶府下至小民踴
躍歡忻不可勝言又奉王旨凡一國緊要利

民利國向當悉皆行下見聞者莫不有更生
之望但臣才微年邁萬事皆不如人忽承重
命為權省政丞感激之情上有天日恐不勝
任措躬無地惟望印寶既至妙選賢能以備
庶官早下新命尋拜都僉議政丞齊賢下理
尚裴佺及朴守明于行省徵沅直城君盧英
瑞于可德僉贊成事尹時遇于角山貶贊成
事鄭天起為濟州牧使知都僉議韓大淳為
機張監務時王在元國空虛齊賢措置得宜

人賴以安嘗於拜表陞陞上行禮儀衛與王
無異人譏之趙日新挾負綫之功暴橫驕恣
以齊賢居右深忌之相詰齊賢白王曰臣不
敢居具瞻之地因辭不久又因隨馬傷足上
笺辭王不久加推誠亮節同德協義贊化功
臣號齊賢又上三箋牢讓不已遂致仕日新
聚群不逞夜入宮害所忌彼兵誅殺齊賢以
拜位得免日新伏誅起齊賢為政亟賜他右
誠直節同德贊化功臣號明年辭以府院君

知貢舉取李樞等復為右政丞辭封金海侯
改門下侍中又辭不允六年乞以本職致仕
從之國制封君致仕頒祿有差既老而猶受
厚祿於義不安故有是清朝論以為本職致
仕非所以敬大臣也復封鷄林府院君奇輶
等伏誅王以輶等衣服綵帛賜宦寺及兩府
齊賢辭以無功不受又上箋請老仍致仕撰
國史於其第史官及三館皆會焉王嘗命齊
賢議定昭穆之次語在禮志王又以修等京

城訪大臣孝老齊賢上言曰三代以上不可
知三代而下立都而無城郭未之聞也我太
祖東征西討削平僭亂統三為一之後七年
而薨用瘡痍之民起土木之役所不忍也故
不城松都京非不為也勢不可也其後因循至
於顯王之初契丹躡蹠京邑燒毀宮室顯王
蒼黃南狩當時若有城郭之固契丹未必躡
蹠燒毀若此其甚且易也顯王十二年始命
李可通等開京城郭後金山王子引兵而來

西海道忠清道沙平津北無處不至不得入
京都餘古車羅大屯兵黃橋又不能入京都
以有城郭也城郭之當修無知愚皆知之矣
若修之則農時不可奪糶糧之資板簿之材
不可不備起役之後大衆一聚宮城及城門
必令守備可也既定此議雖有陰陽忌諱確
然不改然後可就也紅巾之亂王南幸齊賢
謁于尚州嘗揮涕嘆曰今日播遷何異玄宗
祿山之亂及賊退又與洪博彥言曰古人稱

壯哉山河此魏國之寶也初若設險守隘制
勝可必拒不早圖也賊若野戰則我軍必敗
但因雨雪乘賊不虞故勝之此賴宗社山河
之祐也十六年辛酉年八十一謚文忠天資厚
重輔以學問其發於議論措諸事業者俱有
可觀初齊賢讀史至則天紀曰那將周餘分
續我唐日月後得朱子綱目自驗其學之正
人有片善稱譽惟恐不聞先輩遺事雖細以
為難及平生未嘗疾言遽色又及穢語晚年

閑居對客置酒商榷古今豐豐不倦崔溱嘗
歎曰士別三日刮目相待吾於益齋見之矣
齊賢務遵古法不喜更張曰吾志豈不如古
但吾才不及今人耳齊賢之孫連姻竒氏齊
賢忌其盛滿及拜車章恭愍勅兩制賦詩以
賀且命齊賢敘其事齊賢辭不為恭愍之寵
辛旽也齊賢白王曰臣嘗一見旽其骨法類
古之凶人必貽後患請上勿近旽深銜之毀
之百端以其老不得加害乃謂王曰儒者稱

座主門生布列中外互相干請恣其所欲如
李齊賢門生門下見門生遂為滿國之盜儒
者之為害如此及眈之敗王曰益齋先見之
明不可及已自少儕輩不敢斥名必稱益齋
及為宰相人無貴賤皆稱益齋其見重於世
如此然不累性理之學無定力空談孔孟心
術不端作事未甚合理為識者所短後配享
恭愍廟庭所著亂藁十卷行於世齊賢常病
國史不備與白文寶李達忠作他年傳志齊

賢起太祖至肅宗文寶達忠撰肅宗以下文
寶僅草肅仁二朝達忠未就藁南遷時皆敬
送唯齊賢太祖紀年在三子瑞種達尊彰路
瑞種子寶林

達尊字天覽工文詞初以蔭補別將忠肅朝
登第賜鞶帶由恩補陞獻納尋遷監察掌令
典儀副令忠惠如元與其父從之王復位授
典理提郎東遷通年二十八子德林壽林
寶林為人嚴毅方正有政事才嘗知南原府

新置濟用財以支供費民無橫歛又宰桑山
府通聞婦人哭曰哭聲不衰若有喜者執訊
之果與奸夫謀殺夫者也有人訟隣人剗我
牛舌隣人不服竇林渴其牛會里人和醬子
水令曰以次飲牛牛欲飲即止里人如今至
所訟人則牛駭走訊之果服牛食我禾故斫
其舌又有人馬逆食人麥苗殆盡麥主將訴
之馬主曰我有麥田稔與汝勿訴麥主訴之
及夏麥再苗猶可收馬主曰汝麥亦稔不與

麥麥主訴竇林命馬主坐麥主立曰俱走不
及者罰馬主不及詰之曰彼主我坐其能及
乎竇林曰麥亦然牧而後苗其及稔乎汝逸
馬食麥罪一也乞令不告罪二也違約不與
罪三也亂法之民不可不懲遂杖之以麥歸
告者為政嚴明類此幸禍初判安東府事以
治最擢拜大司憲時林櫟不署星北元書竇
林阿仁任意劾流之人談其無雅操尋遷密
直副使濟州進穀廳分高諸州多物故不募

令贖其價宰相欲分其餘畜之寶林與權仲
和言民贖價而吾輩分之於義何如遂止官
至政堂文學封難林君字謚文肅無子

李凌幹

李凌幹南原居寧縣人忠宣王嘗以所幸二
姬賜凌幹及白文舉獨凌幹置別室莫敢近
王義之又從王在元為監纏別監因事皆者
致富凌幹獨清苦自勵冬月破衫單袴不私
一錢及王竄吐蕃凌幹懷金潛附驛吏獻王

王及從臣賴以不乏王薨奉梓宮東歸號呼
跋涉勤苦備至忠肅朝由密直副使遷知司
事右常侍元常欲立省本國凌幹與金祐全
英甫等奏請于帝議遂寢論功為一等爵其
父母妻子賜田及獲賊後為監察大夫陞僉
議叅理拜政丞曹頤之亂侍從忠惠功在第
一賜鐵券尋封寧川府院君及王被執如元
宰相國老議欲上書請赦王罪凌幹曰天子
聞王無通罪之若上書論奏是以天子之命

為非而可乎恭愍朝為左政丞領都金議事
六年以門下侍中致仕卒官庀事以葬

廣梯臣

廣梯臣字愷姊小字佛奴中贊丞益之孫少
孤長子姑夫元平章末吉家恭定帝自晉邸
入繼統末吉卒梯臣近駕于和林帝一見奇
之命宿衛禁中賊臣御史大夫帖失謀以女
弟賜之梯臣曰臣雖無知不願近逆黨帝益
重之居數歲以久不省母乞告帝命降香金

剛山還授尚衣使又請歸養授征東省郎中
同僚頗弄威福掎臣力爭之多所裁抑田民
訕訕悉還攸司忠肅歎曰庶郎中清簡矣左
右司請署文移必曰吾郎中署乎有則行無
則止元臣授誦正司丞後奉使江浙省俞討
中政院錢貸官吏多行賂求媚掎臣一切却
之丞相別哥不花待以殊禮及入相薦於順
帝曰老臣在江浙知廉佛奴清白具以事白
帝將用之掎臣以母病力請東歸忠穆朝拜

二司右使賜輸誠誦戴功臣號轉都會議評
理進贊成事征東省官以事欲問臺臣時李
公遂為大夫梯臣曰臺綱非所當撓李大夫
一時之傑其可辱乎事得寢恭愍初拜左政
丞賜端誠守義同德輔理功臣號蔡河中在
元謀復相會元南征求勇士河中密說太師
脫脫請還國出兵助征仍薦梯臣有勇略梯
臣知之上疏自退王亦逼脫脫勢以河中為
政丞罷梯臣封曲城府院君與柳渥等赴征

將士爭奪人馬行省榜禁不止民間嗷嗷涕
臣羅英傑孫佛永獨不然行至鵬江康允忠
謀於衆曰吾輩離親戚左墳墓以就死地何
日旋歸欲以精騎五十馳還京城斬始謀發
兵者以告梯臣梯臣曰非計也吾君天也天
可逃乎忠臣義士豈有反側之言問道疾行
既至都王遣使請還梯臣帝以為高麗大臣
賜宴徵政院遣之王誅奇氏畏元有譴以梯
臣為西北面都元帥賜貂裘金帶授節鉞曰

卿行之後吾不北顧矣其治軍政芻糧為先
城堡次之器械次之拜守門下侍中再拜辭
不允上䟽論軍務曰食為民天兵藏於農令
軍士有事則操兵無事則屯田康轉餉省而
軍食足矣師之強弱在於儲待今師興有日
而輓輸之路阻脩如選精強分屯要害移其
餘卒就食安州等處觀變而動則輓粟之勞
減矣成邊之法以時而代今軍士盛夏北來
淹至冬月無衣無褐何以禦寒設使驅而納

諸矢石之間豈肯盡力請率以半年相代軍
卒遭喪不免行伍人子之情在所不忍請自
今凡遭喪者許人代之如無代者計日給暇
後以盛滿輝復起為右政丞紅賊之亂悌臣
歟妻挈財賄車馬甚盛棄母而去臺諫論以
不孝拜相逾月不署告身會金鑄誅以鑄姻
好罷既而母沒大歛而葬明年領都僉議司
事時辛毗用事惡悌臣不附已諧於王王命
其子壻論以不可免毗之意悌臣終不復凡

刺之役，歸臣為西北面都統使，節度諸將師還，封曲城伯，親圖形，賜之復，為門下侍中。幸臣金興慶多所請，謁歸臣，不假貸。興慶有惡言，王曰：「侍中學於中原，性高潔，非他廷臣比。」且大臣用心，非此所知也。興慶不敢復言。辛禍立，以歸臣領三司事，尋領門下府事。禍表畢御正殿，宰相上壽，歸臣首陳為君難為臣不易，親賢遠佞等語。禍為之改容，加賜忠誠守義同德論道輔理功臣號。北元遣使拜將。

作院使攝臣既老國有大疑必與議盡言無
隱位冢宰凡二十九年及疾禍遣中官賜宮
醢藥解拂臣具衣冠受之謂曰公善為老臣
言上之所以念及老臣者徒以臣嘗左右先
君也臣今殆矣願上日慎一日惟永終是圖
卒年七十九謚忠敬遺命三日而葬子國寶
興邦興秀皆登第興邦自有傳國寶封瑞城
君廷秀官至大司憲俱興興邦伏誅

李崐

岡

李嶽字雲古初名君俊祖尊庇初名仁成早
孤學於其舅白文節善屬文工隸書元宗初

登第籍內侍遷學^國博士直翰林院累轉吏部

侍郎忠烈朝歷尚書右丞司議大夫拜左承

旨時左副承旨金周鼎建議新置必閣亦委

機務尊庇正直初不與其議故不在選中左

右以為不宜斥之卒以為必閣亦進密直副

使歲辛巳征日本尊庇為慶尚忠清全羅道

都巡問使調兵糧戰艦措置得宜民不見擾

以判密直司事監察大夫世子元賓卒世子
聞泣之歎曰尊庇正直何夭如是父璠鐵原
君岳髫髻異凡兒忠宣時年十七登第忠肅
愛其才命典符印除祕省校勘累遷都官正
郎忠惠初擢密直代言無監察執義忠肅復
任以岳為忠惠嬖幸杖流海島罷璠歸田里
忠惠復位授知申事進同知樞密院事轉政
堂文學僉議評理王以武人韓用規為典校
副令岳執不可王不聽忠穆即位拜贊成事

與提學鄭思度提調政房宦者高龍普以銓
注不公白王流岳于密城思度于光陽既而
免之忠穆薨奉忠定如元及嗣位命岳聽新
國務還國命提調政房賜推誠守義同德贊
化功臣復除贊成事拜左政丞閱戰艦于江
還帶弓矢從者三十餘騎二騎前導觀者以
為僭恭臨初封鐵原君乞骸入清平山王徵
還守門下侍中紅賊入寇岳為西北面都元
帥領兵二千行有朴居士者自言有秘術能

破賊以惑人。雖執送于京。既而以。雖懦不能
軍。遣平章事李承慶代之。仁賊逼京城。從王
南幸。賊平。錄扈從功。為一等封鐵城府院君。
賜推誠守義。因德贊化。誥。祔功臣。號十三年。
卒。年六十八。命有司以禮葬之。謚文貞。忠謹
守繩墨。居家不問有無。以圖書自娛。書法妙
一時。嘗手寫太甲篇。獻王。詔其子曰。汝志
之。吾既老矣。無官守。無言責。當以格君心為
務耳。辛禡元年。配享忠定廟。庭子寅崇蔭岡。

寅辛禡十年以因城君平蔭與諸將平仁賊
以功拜上將軍戰沒

岡字思卑少好學年十五登第忠定時選充
侍讀及王遜于江都岡從之恭愍即位召見
奇之授典儀注簿掌符璽常在左右愈久愈
謹為吏部郎中當遷岡奏曰執筆臣注臣名
臣實不敢王益重之出為慶尚道按廉使王
之南幸也迎候盡禮供億甚盛既還以元松
壽薦代松壽為知申事掌銓選時方邊報絡

澤上下維持國之功居多然惟務承迎識者
譏之拜密直副使辛年三十六王惲甚賜重
賻樞密例不得謚特謚文敬子原

洪彥博

師禹

柳端

洪彥博字仲容南陽府院君奎之孫少好讀
書善屬文忠肅十七年登第五賜厩馬一匹
忠穆四年授密直提學俄遷知申事恭愍元
年拜僉議贊成事賜推誠亮節佐理功臣號
封南陽君時宣六寺判事階奉翊省郎不署

依牒王怒囚右司議宋天鳳將罪之彥博與
洪彬營救得免三年拜左政丞遷右政丞加
端誠亮節輔理安社功臣號尋封南陽侯錄
誅奇輒功為一等十年改門下侍中仁賊逼
京城衆議欲避之彥博獨以為先王基緒不
可隳也勸王自將與民効死俄而西兵告敗
王南幸彥博從之明年收復京城制勝方略
多彥博指畫判密直事宋卿言於彥博曰蒼
生望公復相久矣今為首相何無一事協與

聖乎去歲播遷宗社陷賊主上蒙塵取天下
笑公之不早圖也今公子握府兵壻長憲司
富貴已極何不愛國家彥博憚之罷卿時彥
博壻柳晟為監察大夫故卿云然行宮所需
金銀乏少王之用度無節彥博白曰內帑之
儲何如在都時經費宜加裁省王熟視不應
彥博退曰言不見從是何訑訑也李齊賢聞
之曰吾為相時每言事若此吾未嘗不為王
惜也王欲遷都江華命卜於開泰寺太祖真

殿人民洶洶太后洪氏彥博姑也面責彥博
曰爾以外戚巨室位冢宰中外之望咸屬焉
今王欲遷都而國人皆不欲爾盍諫止之彥
博以告於王王曰予非決遷欲知吉凶耳卜
果不去國人大悅時訛言仁賊後來議遷大
帥以彥博不恤國事命左政丞柳濯為都統
使彥博與柳濯同掌貢舉宰樞盛設筵以慰
彥博動戚首相濯帷幄寵臣雖當播越之時
群臣所以傾待者如此十二年王將遷都遷

延不發彥博曰供頓已備若淹此期防農害
事民愛其弊王從之南遷後祀典隳缺文宣
王朝望莫亦廢成均十二後請復行彥博以
中外多事寢之與王之妾子師範遣人走報
令避之時尚早彥博乃與妻卧聞之自若曰
不可不食而赴難令作粥賊遣其黨趣彥博
所舍門客急告曰賊將至而猶不起耶俄而
賊至曰出迎帝命家人報曰賊在門宜速避
彥博曰吾見賊問其故終不避子及妻勸避

猶不肯曰安有為首相而逃死者乎徐整衣
冠出戶曰爾乃賊也何稱帝哉賊斫之血濺
屋椽年五十五賊在興王者聞之皆呼萬歲
贈謚文正以禮葬之子師普師範師禹師瑗
師普官至判閤門事以子寬秩逆被誅師範
知安直司事如京師賀平蜀還至海中許山
遭風溺死恭愍悼之特賜謚師禹恭愍時為
慶尚道都巡問使鎮合浦清謹自守吏民畏
愛倭寇龜山縣三日浦師禹往擊之賊潰走

乘勝奮擊賊登山師禹麾兵四面攻之斬獲
二百餘溺水死者以千數奪被虜者十人兵
仗不可勝記後為金羅道都巡問使以子倫
弑逆遣人鞠之杖流遠州尋遣崔仁哲繼殺
師禹及子彛于陝州當刑彛泣謂仁哲曰請
誅彛釋吾父禹曰吾已老矣師願誅老夫釋
吾子仍歎曰吾嘗斬獲倭賊甚多功何在耶
父子相攜而死人皆惜之金羅慶尚之民至
有流涕者師璵典書柳湍晉州人三司左使

之浚子也。以公廩才幹稱。執事必恪。居官稱
職。屢為將帥。頗得衆心。卒。禍二年。以贊成事
商議。卒。年四十九。中外倡之謚貞靖。子龍生。

列傳卷第二十四

高麗史一百十一

正憲大夫曹判書集賢殿大提學知經筵春秋館事兼成均大司成臣鄭麟趾奉

教修

柳濯

柳濯字春卿高興府院君清臣之孫有膽略
善武藝早以門蔭入元宿衛還拜監門衛大
護軍不數年三轉封高興君元授合浦萬戶
忠定朝拜都僉議叅理賜推誠亮節翊祚功
臣號進贊成事恭愍初出為全羅道萬戶持

軍整肅不擾。州縣與士卒同甘苦。王下教褒
獎。賜衣酒勞之。倭寇萬德社殺掠而去。濯以
輕騎追捕。悉還其俘。終濯在鎮。寇不復犯。自
製長生浦等曲。傳樂府。召復為贊成。事未就。
拜左政丞。罷封高興府院君。輪賜誠亮節。詔
祔輔理功臣。號元將。南征紅巾等賊。求勇士
蔡河中。薦濯及廬梯臣等四十餘人。有勇略
元遣使召之。濯等率兵數千如元。從太師。既
脫征高郵賊張士誠連戰頗有功。復舊官制。

拜門下侍郎同中書門下平章事尋以事流
外起封高興侯王避仁賊南幸以濯為慶尚
道都巡問兼兵馬使復拜左政丞錄興王定
難功為一茅又定辛丑扈從功臣以濯濟師
有勞又為一茅改侍中與評理崔瑩密直副
使吳仁澤提調改房崔吳方有寵一日除官
濯曰宜先擇臺省瑩率爾曰我擇之厲聲呼
吏曰將予達赤名簿來濯惡其不讓辭色方
厲仁澤曰臺省豈可於予達赤擇之須先擇

儒士與有名望者二人專恣旁若無人濯辭
疾不與魯國公主薨王惑浮屠說欲火葬以
問濯不可乃止賜推誠秉義同德輔理翊祚
功臣號舊制念議樞密監察重房夕直者供
給甚盛亂後始廢兩府欲復之以未定都僉
議司吏金富弼怒稽緩大書錄事朴允龍孫
國英名倒帖板曰誓不出二人告身允龍國
英時掌錢穀者濯聞之怒下富弼檄鞠之曰
右司議崔安頴左正言金存誠所為事聞羅

安穎等初公主薨設四都監十三色以掌喪
事濯多謬舉安穎坐府中議議濯嘆之至是
罷人皆非之有詔使來舉止甚峻頗傲於王
見宰相不肯與坐及見濯禮貌甚恭簽書李
穉謂同列曰侍中動容中禮見重矣監察
司囚都評議錄事家奴濯見執義崔元祐請
放元祐既許退又囚一奴濯曰囚錄事家奴
是因我奴也怒不朝宰樞囚元祐擢罷之元
祐歎曰臺中事必會議而行豈獨老夫但老

夫無用固宜貶黜有正自稱天帝釋妖言惑
衆杖之元使大都驢謂濯曰古安有刑婦人
者濯無學不能對累乞退不允王大營公主
影殿于馬巖濯謂同知密直安克仁簽書密
直鄭思道曰馬巖之役非但勞民傷財術家
有言筭室于菑異姓王矣濯漲首百官貪君
之祿豈可腹非而成君上之過貽譏後世耶
寧死不可不諫克仁等從之上書曰今歲大
旱五穀不登民將無食乞傳中外土木之役

王大怒曰是沮吾影殿之役也下濯思道獄
以克仁定妃父勒歸私第濯持重義風度動
止可觀同列服之及下獄皆驚歎太后使人
諭王曰是祇以彰君之過而見宰相之賢也
可釋濯等王不聽即以李春富代濯為侍中
命李福等鞠以魯國之薨闕祭三日其葬降
用永和公主例濯曰公主國母也賓天之初
臣等哀慟罔知所為遂致闕祭辛丑之亂禮
文皆失故葬禮以臣等所知為例耳非有他

也以聞王怒甚辛毗出曰侍中當死矣王欲
殺濯命禰衡諭衆文禰對以濯無死罪不敢
為辭力爭王又大怒下禰衡禰衡泣曰臣非畏
死恐王以無罪殺大臣耳王皆釋之翌日濯
等謝王賜酒慰之曰予失於怒辱卿等數日
毋恠也語在李禰傳後王又以正陵無禰衡
為濯所定下獄免為庶人籍其家都堂言諸
陵皆無禰衡請釋之王怒解還去身及家財
辛毗既誅憲司奏濯為首相嘗欲專占全羅

軍民依妹壻也先帖木兒設萬戶府成軍目
青丹納樞密院又公主昇遐之初闕殯莫葬
用薄禮又黨逆賊辛晚賄以奴婢錢財相與
結援李伯修告晚逆謀濯知而不首乞置典
刑以正不敬不忠之^罪王^罪臣之太后使宦者沙
顏不花請宥之王怒囚沙顏不花遂縊殺濯
于青郊年六十一國人有涕泣者時議以為
王憾濯諫止影殿之役也後我
太祖夢濯祈爵其子濕異之贈濯特進輔國

高興伯謚忠請授濕官子雲濕漢

慶復興

慶復興初名千興清州人父斯萬性質素娶
明德太后姪女以故昵侍禁掖與宦寺無異
人譏之官至右代言嘗命受醺摩利山整城
聞空中若有呼慶代言不幸短命者再還謂
友人曰吾不於世久矣未幾果卒復興性清
直累遷監察掌令恭愍初拜軍簿判書歷判
樞密院事忒知門下政事陞知政事商議時

議尊京城復興與鄭世雲柳湜言今四方兵
起瘡痍飢饉若尊城民將不堪王命罷其役
錄誅奇輒功為一著改叅知中書省事御史
臺劾黃裳楊伯淵姦判密直辛貴妻康氏復
興言康氏失節以夫在流不能防閑也自丙
申以來流竄者寔繫室家悉曠多失節請皆
放還鄉里從之紅賊入寇以復興為西北面
元師尋為副元帥率兵千餘屯安州畏賊不
敢戰王恕欲論以軍法洪彥博言復興公廩

謹篤然不閑將略是用者過也王恕解賊退
賜盡忠同德協輔功臣號尋拜平章事守門
下侍中錄己亥走擊仁賊辛丑扈^從功臣俱為
一等崔濡在元譖于帝廢王立德與君發遼
陽省兵納之遣李宥奴來叔王印章王以復
興為西北面都元帥屯安州李珣為都體察
使屯泥城禹碑朴椿為都兵馬使分屯江界
禿魯江等處安遇慶李龜南梁誼池龍壽分
屯諸州皆受復興節度以密直副使丁贊為

西北面都安撫使椿聞家奴將至收兵得聲
數千甲士二百餘人生獲二犇詣家奴所舍
曰椿某處萬戶管下千戶也至令椿防倭故
到此今有廢立之言然乎椿將為我王死也
因泣下殺犇餽之家奴歎息且有懼心椿又
從間道以所領兵送珣也珣令珣遇家奴亦
如之贊遣麾下兵馬使睦忠將兵也要害忠
乃宰相仁吉從弟也依勢不從贊節度贊不
能制忠惡贊誣構贊與德興通謀議乃棄也

所逼贊營欲殺之贊大懼棄軍奔潁興營
明其誣王遣使繫致巡軍召忠對置事無驗
憂憤而卒贊性寬博有武藝時人惜之潁興
移檄興德君從者曰本國父老子弟或以功
名或以朝覲用賓中國久近不同老於旅食
豈知東意道里云遠盜賊雖起歲月愈深歸
計愈疎父母妻子夜夢盡思言及淚下貌因
敬他握粟出卜妄妻且悲易月易日予還歸
哉柰何今又自貽伊阻聽人誦言僞主云從

至為防身弓矢甲刃旁招殘賊妄謂羽翼野
宿風殄靡所定居懌惘遷延不進則退謀所
不謀為所不為乃臆以謂吾事億濟以是欲
見三族欲榮一己夸耀里閭拜掃松楸何異
緣木求魚理舟涉山祇自勞苦斃於狂妄緣
木求魚理舟涉山已云狂妄猶言後災如爾
之災未容口頰尚我主上至仁以慈欲爾改
修存爾三族雖法吏議刑選軍革田亦堅執
不許姑待須臾且如年前過將負勇不備仁

賊賊逼都城乃於蒼黃主上自令鰥寡孤獨
名保持者先出遠害毋犯賊鋒及至南幸忠
養如子肆爾三族得保首領又不窮乏今猶
肯也爾尚不知委質報德誤送白家之息自
納篡逆之器必使之夷三族極墳墓諸宅舍
沒田口然後已乎豈惟國人施爾顯戮抑之
社鬼丕降陰誅爾何悖理至於如斯然而體
思爾心亦不得已不得已訖茲復不贅聊以
招懷國中之人孰非故舊有位之士孰非姻

親冀復面目實無異志爾勿為胡越爾勿為
鬼蜮且彼蕞武牧羊猶持使節管仲射鉤終
相桓公二人之事其審克之主上宰臣協謀
成言苟能來者仍其偽殺不降一級爵之命
之嗚呼四山雪滿大野風鳴覆轡車下仰視
星斗於斯時也鄉思幾何越鳥南枝孤貉首
丘爾可以人不如禽歟書到爾部不出三日
戒爾徒旅勤爾跋涉如魚得水如鳥歸林嗚
呼此願不聽與爾永訣詢又移書論崔濡罪

英傑柳仁兩黃順洪法華等曰本朝自太祖
統三以來聖子神孫繼繼相承迄于今日非
王氏不得為王爾等所共知也乃何以異姓
白家之子欲立為王反攻父母之邦耶爾等
離鄉土辭親戚苦身焦思千里而從人者無
乃欲富貴其身而顯榮於鄉黨親戚乎今若
率兵欲入則爾之三族無遺類矣然則雖能
得入誰與為榮且為人子未免亂賊之名則
何面目立乎天地之間宜挺身渡江而來各

來則罪輕不則罪重可不慎哉濡奉德興渡
鴨綠江在瑩安遇慶等諸擊將敗之濡渡江
而走復興遣錄事金南貴獻捷王賜南貴銀
一錠遣人賜復興酒拜左侍中凱還王命有
司如迎駕儀令百官宴于國清寺南郊慰之
賜諸將賊臣田宅貲產辛曉用事復興雖在
相位不得與聞政事為曉所擠罷封清原府
院君後與吳仁澤等謀除曉事洩杖流興州
沒為奴籍其家曉誅召還復拜左侍中提調

政房王見弑復興欲立宗室仁任乃立辛禡
禡始開書筵翼日稱疾欲停講復興曰聖賢
書雖不讀常在手亦自有益禡乃講有韓略
者口給無才行初為司憲令史登明經科以
禡外戚超授官又托乳媼宦寺求為持平禡
一日用小帖擬略臺官金瑄重房韓忠典法
下政房瑄忠乞禡外戚也復興言汪授已訖
不可更改禡曰有低墨改之何難復興又言
古者外戚不除言官請授他職禡曰何不從

命張之復興力爭終不授復興與仁任瑩池
翰因泣擬翰曰當先軍功復興曰此則都目
宜後軍功久未定時池李擅權舉國趨附復
興慮潔自守雖惡其貪饕知不可救日以醉
酒為事及其銓注輒薦賢以抑行賄之輩然
視二人不能行己意或先出不與都堂將議
呈省書復興醉不至瑩呼堂吏曰可撤禁酒
榜首相乃如是耶諸相遂請復興第復興振
然曰吾固飲蕪而醉未能進也當與親舊夜

飲聯句典客令金七霖曰予自近外來民之
憔悴莫甚此豈唱和為樂之時耶復興默然
又嘗與瑩率私兵大擲東郊時方旱蝗識者
識之六年國家聞遼東欲攻納哈出慮其搆
我界遣人覘之還言遼東搆兵已出師都堂
亟會議復興解又不至仁任林堅味忌復興
清直訴以嗜酒不視事流清州又流門下評
理薛師德密直副使表德麟判事鄭龍壽裴
吉李乙卿王伯上護軍薛懷拯郎薛群薛拳

中郎將羅興俊等皆復興酒徒也師德乙卿
道死復興卒于貶所謚貞烈辛昌立賜祭曰
嗚呼我先祖恭臨王有周宣中興之志有漢
祖知人之明即位之初側席求賢旰食圖理
擢卿百寮之中置之憲司引入諍寢諮訪達
旦師潛元後莫有知者凡百姓苦樂士大夫
忠姦重臆灼知興利除害進賢退不肖遂能
內誅毒輒外殲仁賊文德武烈聞於天下元
季東南割據若方國珍張士誠輩皆遣使款

獻我先祖中興之列有光于祖宗卿有力焉
迨至癸卯賊臣崔濡魚緣輟黨推奉孽醜德
興請兵元朝突入賜祿我先祖授卿節鉞與
崔瑩等擊走以存我社稷功在帶礪賜券圖
形及逆賊以左道惑我先祖領僉議事三韓
卿大夫望塵趨拜昏夜走謁惟恐不及其門
湯沸眊之歎卿清忠捐慨欲屈卿而致之門
倚以為重屢遣私人通慝懇之意於卿而卿
不一進其門眊乃潛卿而我先祖方委政於

晚難違其言卿於是有明夷之行三韓之人
知與不知莫不泣下晚謀既覺而誅我先祖
悔甚即日召卿復卿左相及我上王嗣位賊
臣李仁任乘間專恣鬻官貨獄敗我先祖嚴
恭抑畏事大之禮尚賴卿之在朝五六載之
間社稷粗安而仁任憚卿不能縱其溪壑之
欲朝夕側目但以我王母明德妃信卿之深
未敢發也及明德昇遐仁任嗾群亮而逐卿
於是仁任窮兇極惡籠山川以為田認良民

而為隸寃塞覆載醜聞上國遂致天子欲立
衛於鐵嶺社稷幾顛而在瑩奮忠廊清群光
上王命予小子乃權國事一新庶政予惟汲
黯在漢而淮南之謀不得行孔父在宋而華
督之惡不敢作卿在上王朝身佩王室安危
朝廷輕重卿誠唐之郭汾陽裴晉公之儔也
嗚呼卿位極人臣而無一敵京甸無斗粟於
於家瓶罍食水飲敝裘瘝馬求之千載如卿
者幾何卿之忠清義烈足以範三韓而聳萬

世今遣密直副使柳爰廷往奠師墓英靈有
知歆茲異數諒予至懷永佑我王家子補饒
儀

金續命

金續命中贊之洲之孫性清直敢言恭愍初
拜監察執義與大夫元顗持平洪元老協心
彈糾執法不阿凡拜官者有疵累輒不署告
身於是內人宦豎惡之遂皆見罷累遷左副
代言王避仁賊南幸續命扈從策功為二等

賜土田職獲轉監察大夫辭不允王以災異
求言續命與獻納黃瑾等上言書元元首明
哉股肱良哉庶事康哉元首兼壯哉股肱備
哉萬事隨哉殿下氣稟沉重春秋昇盛即位
日久備諮國事智出萬全多不佞人宦官僧
徒雜類之言有時信聽雖大臣議一事出一
言必候上旨承順施行以故諂諛成風直言
路絕此德政之最失者也地者臣道也今賞
罰不明故大小之臣怠弛曠官又因軍功白

丁驥拜卿相皂隸濫處朝班臣道清亂以致
地震請自今侯賞必罰重惜名器古者選軍
給之士田故兵皆足食不憚征役近豪勢愈
并至千百結甬每一畝及於軍夫及其徵發
赴敵之際率皆解體况望敵愾乎請復選軍
給田之法左右前後皆正人也君誰與為不
正刑餘陰類殿下日與相狎采聞郊俚言稽
之言夜分不寢日中乃興踈遠大臣嘉謀演
議無自而入冬雷地震咎實在茲自今三殿

宦者各留十人餘悉汰去正人端士常令侍側治國之道布在經史未聞以佛書政治者也殿下過信佛法群疑緣此干謁濟私願自今斷絕繒流出入禁闥復開徑筵日訪治道常觀聖賢之書勿雜異端之說女謁為政之大害今針線娘子內寮之女亦有封翁主宅主者僭擬踰分殊失尊卑之體自今除宗室勲舊外勿許封爵已封者請奪之田里戚休在於守令今雖有臺省政曹保舉之令皆徇

面情其所薦舉至有不識字者願自今臨軒
引見核其名實舉非其人必罰舉主傳曰無
赦之國其政必平養稂莠者害嘉穀惠姦宄
者賊良民感召水旱在於數赦願自今毋赦
有罪以長姦惡王呂臺諫諍之臺諫而爭益
切王恕甚知都僉議柳湫進曰既求直言而
怒言者可乎王恕為之小解遷知密直司事
出為慶尚道都巡問使倭賊三千餘人入寇
鎮海縣續命帥兵急擊之賊倉皇不暇乘船

乃登縣之北山斫木為鹿角柵守之續命復
進擊大敗之遂獻所獲兵仗王喜遣中使賜
衣酒金帶爵戰士有差未幾拜三司左使賜
端誠揆義輔理功臣號轉會議評理後為大
司憲以論在瑩罷辛禍時改三司右使時募
全羅道兵屯身東江睦贊成仁吉欲以其兵
行畿甸諸島捕倭禍許之續命不可曰今無
門庭之寇天寒冰合募卒遠來疲弊戰艦未
完且大臣不可輕出不聽續命以太后外戚

專恣宮中之事剛直不撓人皆畏忌執政至
有欲殺者出為楊廣廢尚書都安撫使蓋斥
之也太后欲留之召柳實問之實曰今北有
邊警大臣不可出外太后遂遣中使止之時
李仁任池南林堅味等專權用事貪黷無厭
唯憚續命不敢肆續命嘗移病在弟廢後與
仁任南問疾續命曰古制兩府省五樞七而
已今一日所除宰樞至五十人如物議何復
興曰不得已爾續命曰今宰樞竊祿尸位而

心不正者吾我若也仁任曰公不正誰為正
乎續命曰予伴食都堂凡署事心非口是心
不正誰如我乎李池深銜之齎使其妻交結
禍乳媼出入宮禁招權納賄續命譏之齎聞
而益惡齎殷若事起兩府臺諫耆老集興國
寺辨之密直權仲和以書遙進譏獨不至續
命謂臺吏曰王母未定宜速辨以解國人之
疑何用書遙為既而歎曰天下未辨其父者
容或有之未辨^其母者我未聞也於是仁任等

族司議許時金濤等劾之曰為人臣止於敬
天下古今之常典也臣而不敬罪莫大焉近
集議興國寺續命發口不可追之言不敬孰
甚請鞠治疏再上太后力赦乃流文義縣遂
罷柳廣以朴林宗代之實續命所薦朴宗仁
任姻親也續命既竄太后如失左右手時人
惜之十二年辛謚忠簡恭謙初常左侍尹紹
宗等言辛禍既立辛婢妾般若自言君母
仁任等詐以禍為玄陵所幸故宦人所出求

其名氏未定金續命以為天下未辨其父者
容或有之豈有未辨其母者也仁任欲殺之
賴明德太后之救僅得流竄身雖已沒忠義
感人乞追加褒謚弔祭其墓錄其子孫以慰
忠魂從之

李子松

李子松青陽人恭愍朝拜典法判書德興君
之姪子松與洪淳在元帝令高麗人皆從德
興之國金添壽柳仁兩康之術黃順安福從

文益漸奇殊倫等皆附之唯子松淳黃大豆
等匿不從久居燕錢糧匱竭終始不貳既還
王嘉其節義各賜米豆三十碩授子松密直
副使賜端誠輔祚功臣號久之出為東北面
招撫使倭寇安邊等地掠婦女奪倉米萬餘
石坐罷歸田里辛禡時以三司左使為世衛
府上萬戶祭酒方旬竊三司左尹金昇暉妻
昇暉欲訴于官旬乞哀乃止旬反告世衛府
曰昇暉盜殺內棄馬又殺其奴子松聞之大

怒捕昇暉鞠之開城少尹韓興壽乞斬昇暉
強姦已姦昇暉依勢免止流于外進拜守門
下侍中褐遷都漢陽命子松留守子松自松
京來謁褐賜酒慰之曰留守松京庶事惟繁
卿獨處之豈不難乎褐墜馬傷子松與洪永
通言殿下醉輒馳馬臣等心常危懼今果顛
蹶致傷尊體願自今端居九重戒遊畋慎酒
色毋或輕動褐默然不悅未幾罷封公山府
院君崔瑩勸褐攻遼子松請瑩第力言不可

瑩白襦托以黨附林堅味杖百七擬流金羅
道內廂尋殺之或云妬妓燕雙飛也子松清
虞國人注意復相及聞其死莫不悲之

趙瞰

仁沃

趙瞰初名祐暇城摠管暉之孫也世居龍津
未弱冠事忠肅王時吏民遁入女真洪肯三
撒秃魯兀海^陽等地王遣瞰至海陽刷六十餘
戶還授監門衛郎將後復至海陽刷百餘戶
來王嘉之賜厰馬徒殿導除左右衛護軍王

薨暇還龍津初暉以暇城等地叛入元恭愍
五年欲收復舊地以密直副使柳仁雨為東
北面兵馬使大護軍貢天南宗簿令金元鳳
為副使與江陵道右撽使李仁任往擊之仁
雨率兵過鐵嶺次登州去暇城二百餘里留
十餘日不進暇城撽簡趙小生暇從子也聞
夜與千戶卓都卿召暇暇至小生舉兵為拒
命計却暇曰今事急矣叔父任高麗為累朝
所寵待今日叔父南向高麗則暇城之地十

二城誰肯沒我乃與都御選心腹驍健者三十人衛暇實拘之也仁任說仁兩曰暇雖小生叔父心在朝廷必不與逆豎同叛今以王命諭之必來暇來雙城可傳檄而定逆豎之首不足血也仁兩然之遂以蠟書遺暇暇見書秘之伺間未得暇少時見暇城人趙都赤英俠典之交遊深往懽心及是都赤以百戶為小生謀主暇諭都赤曰今兩豎所以拒朝命者以汝為腹心也汝本高麗人爾祖與吾

祖皆自漢陽來今背本國從逆豈獨何心哉
棄逆從順去危就安功名富貴此其時也汝
其圖之都赤滔然滔下舉手指天曰叔父活
我矣公且先吾從之暇喜與弟天柱挺身馳
出至三改江乘舟已中流追騎百餘及虎而
返暇至龍津謂家人曰從夫人浮海舍我于
登州率子仁辭仁瓊仁珪仁沃一夜馳二百
里黎明詣仁兩營謂仁兩曰二豎勢窮將北
走雙城人皆竄山谷今大軍遽至必駭不下

清野無食為公計莫若先遣吾子仁璧招諭
之仁兩就之乃使仁璧及知通州事張天翮
徇雙城雙城人聞仁璧至喜相告曰趙別將
來吾屬更生矣相率來降犒迎官軍曰高燕
王真我主也初我

桓祖以雙城等處千戶來朝王迎謂曰撫綏
頑民不亦勞乎時有人密告帝輒潛通雙城
叛民為黨援謀逆王諭

桓祖曰卿宜歸鎮吾民既有變當如吾命至

是王闡仁兩逗遛授

桓祖小府尹遣兵馬判官丁臣桂淪

桓祖內應

桓祖聞命即銜枚就行與仁兩合兵攻破渡

城搃管府小生都卿棄妻子逃入伊板嶺北

立石之地於是按地圖收復和登定長預高

文耳州及宣德元興寧仁耀德靜邇等鎮蓋

咸州以北哈闡洪獻三撤之地本為我疆自

暉等叛没于元凡九十九年今皆復之臣桂

領兵過伊板與女真戰大捷斬其魁帖木兒
傳首于京仁雨之初至也端州以北千數百
里靡然南向仁雨貪財殺戮及都赤來見王
授護軍賜金符為東北面千戶使往撫女真
仁雨忌而殺之天翻隸仁雨麾下濫殺無辜
掠牛馬財產奪人妻妾凡九人遂沮北人歸
附之心嗾深以為恨嗾還王大喜超授禮賓
卿賜第于京六年遷太僕卿小生都卿竄女
真境勢窮欲降見都赤降而被害欲見璽書

乃降八年王遣瞰齎璽書往諭瞰至登州浮
海舟行半月至海陽賜璽書小生等欲從瞰
入朝復懷異志衷甲而待瞰即登舟而還仁
賊陷西京以知兵馬使赫安祐麾下擊走之
九年拜判司農寺事十年轉工部尚書從王
南幸王命瞰及睦仁吉分領福州兵宿衛行
宮十一年出牧海州居母憂踰年起復為禮
儀判書尋檢校密直副使錄擊走仁賊功為
一等二十一年乞體退居牛峰縣辛禡元年

封龍城君五年歸老龍津仁沃欲從行暇力
止之曰吾家遭時危疑先祀之存僅如毫髮
過蒙玄陵眷顧一門以全位至封君汝兄弟
官皆顯達百官所報美著無以老夫為念致
力王室猶在吾側也明年卒年七十三仁辭
屢立戰功官至三司左使仁沃累遷判典儀
寺事我

太祖回軍尹紹宗懷霍光傳以獻

太祖令仁沃讀而聽之仁沃因極陳復立王

氏之議拜典法判書辛昌立仁沃與同列上
疏曰佛氏之教以清淨寡欲離世絕俗為宗
非所以治天下國家之道也近世以來僧徒
不顧其師寡欲之教土田之租奴婢之傭不
以供佛僧而自富其身出入寡婦之家汚染
風俗賄賂權勢之門希求巨利其於清淨絕
俗之教何賴自今還有通行者住諸寺院其
田租奴婢之傭令所在官收之載諸公案計
僧徒之數而給之禁住持竊用凡僧有病人

家者以姦論充軍籍其主家亦論罪貴賤婦
女雖父母喪毋得詣寺違者以失節論敢祝
婦人髮者加以重罪其為尼者亦論以失節
州縣吏驛吏及公私奴婢勿許為僧尼違之
遷密因代言恭讓時錄回軍功賜鐵券土田
尋以事罷起為吏曹判書自此以後入本朝

崔寧

崔寧字寧之完山人父得梓廩正自守人敬
憚之官至選部典書寧忠肅朝登第累遷中

部令出知瑞州事以母憂不赴明年汰冗官
有薦宰者王以有父風即除監察持平宰不
獲已就職忠惠即位乃褫其職王被執如元
凡王所設置悉皆更革立都監以宰為判官
宰歎曰王之失德非王自為乃左右逢之耳
逢之於前楊之於後吾實恥之稱疾不出忠
穆時轉典法正郎出知興州事為印丞旦所
忌罷遷典客副令忠定時知襄州有使者降
香凌辱存撫使宰曰將及我矣棄官歸執政

喜白王除監察掌令恭愍初陞執義改尚書
右丞後為尚州牧使王避紅賊南幸駐蹕于
尚宰盡心供辦然不饋遺左右左右短之遂
罷起為監察大夫尋封完山君移典理判書
辛禡三年拜密直副使商議國辭乞退復封
完山君四年卒性惻直不撓見重於世子思
美德成有度

宋天逢

宋天逢金海人擢魁科歷正言獻納起居郎

忠穆時為監察掌令劾評理金允臧身為輔
相席寵恣橫不供其職交結饕人潛竊御膳
閔祥正訴先王于帝以為不可君國而允臧
黨於祥正罪莫甚焉請加罷黜允臧諧之出
為草島勾當臺官皆辭職監察等詣闕請召
天逢還政丞王煦救之不得不視事政堂文
學辛孟判案直李公遂力請之改光陽監務
恭愍初召拜監察執義與判典校金君發薦
文行之士許應麟俞思廉尹守常等又掌監

試取韓達漢等王召達漢及最少者五人令
賦牧丹詩多不工一人曳素王怒杖其榜青
天逢曰考藝不精何至是耶天逢慚惡去以
對辛禡初以太司憲與同列上疏曰竊見官
者判崇敬府事尹忠佐順州都人濫荷至恩
秩同宰相權權用事蒙蔽上聰沮遏下情曾
在先王之前發忿拔刀手剪其髮根戾悖逆
忘君之心已着又於賓天之後佯稱耳聾拱
手觀變其心叵測徒以姦佞便媚得見任用

且順州咀咒之卿以其鄉人置之左右在為
不可疏葵罷遣忠佐就舍天逢等復疏曰自
古宦者之禍昭然可考在本國伯顏秃吉思
得幸元朝誣潛忠宣竄之吐蕃高龍普陰訴
忠惠以致岳陽之禍前日萬生敢行大逆神
人所共憤今忠佐不忠不敬之罪已具前疏
固不容誅且擅權受賂汲引庸人除授官職
廣占土田誤國害民今止免官國人觮望乞
永告身親沒家產鞫問決罪以戒後來命刺

官叔田陳官之上既曰殿下即位之初因
會已後人容受直言以收輿意近者宋天
壽上言請降宦官祿俸又劾前上護軍李
美忠前典工提郎徐陵後盜用內帑之罪
殿下不允自古人主之失拒諫為大以殿
下天資之美決不如此而此輩欲圖專橫
甘言諛辭惑宸衷陷殿下於拒諫之失此
臣等夙夜甘心疾首為殿下深痛者也
宦官尹忠佐檢邪凶險善為逢迎指喉
嚔黨與陰弄權柄與金

師幸尹祥同惡相濟師幸祥已皆竄逐而忠
佐獨蒙再迭之恩至受爵命又與校宦黃中
去佐為父子蒙蔽聖聰罪不容誅宜從天逢
之言以正忠佐中老之罪且美忠陵侯當先
王時滔事逆臣幸晚金興慶掌內帑恐其出
納使倉庫虛耗其所盜竊不有勝數乞依天
逢所申并正其罪禍命中老美忠陵侯除名
不叙慶陳源請下美忠陵侯典法徼美忠行
賄權貴移因巡軍國人嘆曰二賊賂何人移

繫輕徽天選後拜益書密直司事封金海君

卒年八十一謚文貞

洪仲宣

洪仲宣初名仲元忠惠朝登第累遷內府副
令恭愍初出為漢陽府尹以釋器黨杖之辛
禍初判開城府事轉政學文學侍中李仁任
等誘釋宦官沆竄者仲宣謂金續命曰沆素
用事先朝以階禍亂放竄宜矣近者諫官屢
以直言見斥一召召還今乃反釋此輩何以

為國陞門下贊成事商議禍開書筵以仲宣
權仲和為師傅仁任林堅味茅與仲宣同在
政房惡其分權以仲宣為啓稟使時納哈出
率兵向遼東路梗仲宣不即行諫官徐鈞衡
茅素與仲宣有惡且希仁任意遂劾奏仲宣
在先王朝潛懷異志敗露被罪又附辛晫得
至密直濫蒙殿下之恩驟拜贊成權為師傅
宜其盡忠奉公今擬仲宣茅四人為啓稟使
仲宣欲自免乃言曰四人同時入朝則必拘

留其半以惑衆聽後議遣二人仲宣不免則
又言曰四人當同往不顧大體以國自便不
忠莫甚乞鞠問逮流不叙乃流宜寧縣楊伯
淵之獄起辭連仲宣乃遣版圖判書表德麟
典法判書柳著等殺之籍其家國人寃之仲
宣聞德麟等至知不免仰天誓曰予實無罪
予死天必動威及死天果大雷電以風邑人
異之

金濤

金濤字長源延安府人恭愍朝登第補全州
司錄五遷為正言言事罷中洪武四年制科
勅授東昌府丘縣丞濤辭以不解華語且親
老願還本國

詔許之及還王謂左右曰我國之人登制科
者固罕况此人既登科又蒙勅授名揚一時
使天下知我國有人恨不早知其來而禮迎
之遂擢右司諫藝文應教累遷成均司藝王
手書金濤長源蘿菡山人八字賜之辛禡時

拜右司議承李仁任池商指喉劾三司右使
金續命流之轉左副代言陞知申事拜密直
提學濤附洪仲宣論議人物仁任惡之適濤
家奴竊近慶宮舊基之石臺吏執之仁任喉
摩官劾以不敬鞠之宦官李得芬與濤有故
白禍止令免官憲司復請遠配得芬又留其
狀楊伯淵之獄起濤逮繫被榜掠絕復獲者
三遂証服殺之梟首于市籍其家濤初對獄
官曰我死不足惜殺一老辜反受其殃獄官

皆揚然知其寃及死門生進士十餘人隨至
門外護屍有李悰者抱屍入川洗其血解衣
衣之裏以簞個其首而懸之再拜而去時人
義之子自知汝知致知學知

林樸

林樸字元質安東府吉安縣人恭熙九年登
第調開城叅軍明年紅賊陷京元帥金得培
以樸精曉兵法置幕下與之籌畫南遷時春
秋史籍典校祭享儀軌掘地以藏及賊平發

之軍卒多慢棄不收樸與柳珣李玖以為國
典不可使湮滅監檢收括得十之二十二年
以書狀官從李公遂如元時德興君証奏帝
曰高麗王薨於仁賊帝以德興為王樸與公
遂奏曰吾王破仁賊今尚無恙帝令樸等奉
德興之國樸等復奏曰臣等若從僧王乞異
於婦人之背其夫也帝曰任從汝志德興謂
樸曰爾若不從我死且乞益除典理提郎以
誘之樸不受曰寧死誓不從德興將東行請

詩於櫟櫟書其屏曰棄本湔滔迺未行恭山
還似一毫輕投鞭直欲橫江去嗜餅徒勞畫
地成得麤舞時誰識破吹竽混處謾求榮莫
將脩事迷人目我愛天然古石屏學士危素
見而歎曰今亦有忠節之士櫟還王謂曰德
興誘以華秩汝不從吾心以華秩褒之乃除
中書舍人櫟疏上正心論相二十條王益重
之又除典儀副令王命陳時政得失復上十
餘事王嘉納尋陞為令河南王使郭永錫來

樸為館伴永錫曰嘗聞高麗山水之異尚有
箕子之風願觀地圖禮樂官制樸曰欲知我
國山水靈異方今上有皇后太子豈非鍾其
秀氣耶永錫拊膝高吟曰遂令天下父母心
不重生男重生女左右慚赧十六年為濟州
宣撫使樸至州謂其萬戶曰達達牧子喜及
側君宜盡心撫綏勿令生事又謂星主王子
曰君輩乃神人之後入新羅為星主入本朝
為王子服事歷代歷代之待君輩亦甚厚君

輩宜各一心服事勿與牧子扇爰於是星主
王子及軍民皆俯伏曰敢不唯命先是宣撫
者率皆貪暴恣其侵漁民甚苦之牧胡因誘
以數叛樣行至羅州取水盛瓮而歸雖茶湯
不入口民大悅相謂曰聖人來也王官皆如
林宣撫我輩何至叛乎然州人或有譏其載
水者轉成均茶酒上書始分五徑四書齋科
舉一依中朝搜檢通考之法陞大司成判典
校事初成石璘為劄子房知印不阿附卒晚

晁潛于王以樸代之樸性好說異倘僉敢言
又喜立名常自言但知奉公未嘗干謁然每
夜敝衣徒行出入晁第為晁畫計踴躍說秘
晁嘗往平壤樸佩刀從行無愧色每譽晁為
盛德故晁說之及為知印手執班簿品第高
下親舊之人則勇不薦引宦官宮妾咸得所
欲善伺候王意又揣晁好惡唯務迎合於是
眷遇日密樸在代言之上慶復興李仁任等
深忌其專樸嘗語晁曰公國政總宜整田民

爭訟之寃者眈遂白王立推恕都監命眈為
提調樸為使樸多所平決然眈之偏聽者不
為之辨故寃屈頗多二十三年拜代言王薨
翼日樸在殯側露齒笑殯殿都監判官柳爰
廷性鯁直敢言嘗侍王講讀大為器重是日
見樸笑責之曰先王嘗稱子為社稷臣今子
忘哀而笑是非忠臣及樸秉政惡而不然用
樸喪去陵素帶三年辛禡初仁任倡議與百
官為書將呈北元中書省樸與朴尚衷鄭道

傳不署名大司憲李寶林阿仁任意劾樸廢
房庶人流吉安縣初禮安人附池爾歲視胎
于其縣陞為郡又與安東爭地樸在吉安相
其地曰不吉安東人告於朝曰禮安不耳歲
貽實以樸言爾由是惡樸爾黨執義金承得
知申事金允升謂爾曰林樸不署呈省書必
有迎立藩王之志是可罪也承得遂率臺官
上書曰林樸本系庸人嘗附逆賊幸貽為其
腹心多行譎詐及貽伏誅又附金興慶殿下

即位之初乃與朴尚東輩佐爲黨援蔑視都
堂違忤衆心以悖理之事誘令上書罪固不
細元朝聞叛賊金義之言議立藩王於是本
朝耆老百官呈省辨明樛陰懷異志獨不署
名請誅之以正典刑允升從中下其書遣驪
霞孫慶生鎖致典法杖百流務安中路踣殺
之子稼

文益漸

文益漸晉州江城縣人恭臨朝登第累遷正

言奉使如元因留附德興君及德興敗乃還
得木縣種歸屬其舅鄭天益種之初不曉培
養之術我稿止一莖在此三年遂大蕃衍其
取子車縑係車皆天益創之辛昌立以左司
議侍學上書論為學之道時諫官李導等以
私田不可復上書爭之益漸附李穡李琳禹
玄寶移病不署名翌日徑赴書造大司憲趙
浚勅曰益漸本以遺送躬耕晉郊殿下以賢
良徵拜諫大夫置之左右以資清問誠宜進

盡忠言敷陳治道以補聖治而乃日侍徑惟
依阿苟容以飾忠直之狀承順逢迎而無諫
諍之節偃倮束手唯唯諾諾頃者同舍郎吳
思忠李錡各自上疏極言時事益漸持禄患
失無一語及之又同舍郎縣名上疏極論田
制益漸依阿權勢稱疾不仕不與其議規避
衆謫自以為得計上累殿下知人之明下負
士林期待之意是宜削其爵位放歸田野以
爲有言責而不言者之戒乃罷之子中庸中

誠中實中晉中啓

列傳卷第二十四





卷之四

四

四

四

四